

ياللا بينا .. ياللا نرقص رقصة حلوة
ياللا نعشق .. دا القلوب الصافية عاشقة
راح نظير .. والسما ف عيوننا زرقا
ياللا نحضن السما و الكون ب إيدنا
راح نحب و الحياة تجري ف وريدنا

.....

هَلْ هَلالِك

هَلْ هَلالِك يا رمضان .. يا شهر دايماً نتمناه
يا شهر رحمة من المنان .. يا هدية لنا من الرحمن
يا شهر علم ونور و إيمان .. بتشع فرحة كثير و حياة
يا شهر فيك نزل القرآن .. فيك كل خير اتعلمناه
يا نسمة طاهرة و عطر ريحان .. يا خير بيملى الكون محلاه
يا شمس هَلِّي كمان و كمان .. ضي القمر بيزيد ف ضياه
أولى أيامك لنا رحمة .. وف أوسطك لنا الغفران
وف آخر أيامك نطلب .. يعتقنا ربنا م النيران

وكل يوم ييجى المغرب .. علينا واحنا ف أي مكان

وندعي طالبين الجنة .. نرفع إيدينا للرحمن

بقلوبنا ندعي ونتمنى

يارب ندخل م الريان

ولا لحظة برّه نستنى

يا بركة المولي العدنان

مقبول صيامنا فيك رمضان

.....

غريب

وفارقت أنا أهلي وناسي .. لبلاد أنا ما اعرفهاش

وبقيت م الوحدة بعاني .. وعيوني ما بتساش

وحشتني مراتي حبيبتي .. وإخواتي وكل حبايبي

وحشتني اللمة الحلوة .. وأصحابي وكل قرابيي

والضمة ف حضنك يا أمي .. واللقمة ب ايدك ليا

والدفي والعيلة واللمة .. وحشوني بكل ما فيا